

天涯混跡一閒身
恰似當年避世人
君把釣竿予挈斧
乾坤何地不生春

午睡

十載何堪守舊廬
猶驚風雨到樵漁
非因避俗耽高枕
老
去慵心見客疎

客問君子有終身之憂爲拈此語
一憂何事到終身
此語極圓莫認真
省得憂時方得樂
兩情揔是一般春

田趙二子將歸賦此留之

二仲欣承父命來
塵氛脫盡好懷開
漫於此日輕言別
安

夏峯先生集卷十二

三

樂窩傍有嘯臺

衰遲日夕坐書幃
聾耳難聽是與非
留客好過殘臘去
北

山有韭西山薇

北山名
韭山

立春

春在何妨好去尋
東郊車馬簇如林
誰能識得乾元意
盡洗浮游忿慾心

鶴聲

嶮嶮無端錮耳深
天教鶴唳引清音
兒童偷暇來調弄
尙帶風雲萬里心

題夏峯